

## Nedžad Smajić i Tanja Babić najbolji sportisti Travnik

Nedjelja, 31 Januar 2010

U organizaciji Sportskog saveza općine Travnik u subotu (30. januara 2010.godine) u sali Centra za kulturu održana je manifestacija "Izbor najboljih sportista općine Travnik 2009". Za najboljeg sportistu proglašen je karatista Nedžad Smajić, član KK Travnik, a najbolja sportistkinja džudistkinja Tanja Babić, članica JK Ipon.

Najbolja sportska ekipa u protekloj godini je Nogometni klub Travnik, a najbolji sportski trener je Adnan Arnautović, trener Karate kluba Travnik. Za najboljeg sportskog radnika proglašen je Salih Salihović iz Fudbalskog/nogometnog udruženja "Bubamara". Plakete za dugogodišnji sportski rad dobili su Kemal Bajramović, Asaf Kasum i Haris Đelilbašić, dok su posebna priznanja uručena Larisi Cerić, Zoranu Mikuliću i Maji Đurić. Za najboljeg sportskog novinara proglašen je Mahir Maglić, novinar RTV Travnik.

Sportski savez općine Travnik nastavio je i ove godine sa lijepom tradicijom pa su nagrađeni i najperspektivniji, mladi sportisti: Amira Agić i Jasmin Almezovski /košarka/, Admir Goloman /nogomet/, Sara Ganić /tenis/, Adi Karakašević /stoni tenis/, Valentina Grgić /rukomet/, Nasul Mešević i Marta Bagarić /judo/, Alem Mušević /karate/. U kulturno-zabavnom dijelu programa nastupili su Gradski hor, KUD "Borac", Plesni studio "Maya" i hor "Dječija planeta".